



Placcaet waer na alle ambochts-jonghers ende haerluyder meesters hen sullen reguleren, binnen den landen van Hollandt ende West-Vrieslandt

<https://hdl.handle.net/1874/9387>

PLACCAET

Daer na alle Ambochts-

Jonghers ende haerluyder Heesters hen
sullen reguleren / binnen den Lan-
den van Hollandt ende West-
Vrieslandt.



IN S'GRAVEN-HAGHE,
By Aelbrecht Heyndricksz. Drucker Ordinaris der
Heeren Staten s'Lants van Hollandt.

Anno 1597.

DE Ridderſchap / E-
delen / ende Steden van Hollandt en
West-Œieſlandt / Reſeſenterende
de Staten vanden ſelven Lande. Allen den ge-
nen die deſe jegenwoordige ſullē ſien ofte hoorē
leſen / Saluydt. Alſoo tot beter effectt van onſe
Placcaten opt ſtuck van de beedelaers ende va-
gabunden ghemaectt / eenighe Steden vanden
voorz Lande ſeekere politicque ordze gheſtels
hebben / Ende te verhopē is / dat de Magiſtra-
ten vanden anderen Stedē mede daer na trach-
ten ende arbeijden ſullen / dat alomme eenpaer-
lijk onderhouden werde / dat de Ambochtſ-jon-
ghers : hoe verlaten ofte arm ſy ſouden moghen
weſen / voortaen in Hollandt en West-Œieſlant /
in Steden noch ten platten Lande / niet en ſul-
len mogen / noch van noode hebben te beedelen /
Maer dat by perſoonen daertoe by de Magiſtra-
ten gheautoziſeert / ende noch t'autoziſeren ghe-
handelt ſal worden mette Meesters by de welke
ſulcke jonghers haer ambocht jegenwoordich
leeren / ofte in toecomēnende tijden leeren ſullē /
dat ſyluyden reſpectivelijc de voorsz Ambochtſ-
jonghers voorszien ende onderhouden ſullen van
coſt / cleederen ende ſlapen / ende hen trouwelijck
A ij haer

haer ambocht leeren / mits dat sy luyden heure
Meesters sekere tijt sullen moeten by blijven en
hen draghen nae behooren / Ende het ghebeuren
mochte dat sulcke jongers hare meesters ontloopen
ende hen inde andere Steden ofte Dorpen
begheven souden als sy sullen meynen den cost
waerdich te wesen ofte eenich ghewin te mogen
doen / sonder hare Meesters te voldienen den tijt
die sy luyden ten overstaē vande opsienders der
armen ofte andere gecommitteerde vande Ma-
gistraten der Steden: beloofte sullen hebbē / Waer-
jegens nootlijck dient voorzien 500 IST, Dat
wy om soo goeden werck (soo veele mogelijck) te
vorderen / gheboden ende geordonneert hebben /
ghebidden ende ordonneren by desen / allen den
gheenen die in Hollandt ende West-Flislandt
hen begeeren te behelpen met een ofte meer scha-
mele jonghers tot hun ambocht / dat sy luyden
metten selven (t'zy dat sy alreede by hen leeren:
ofte namaels by comen mochten /) ten overstaen
vanden Magistraten heurder residentie ofte der
selver gecommitteerde als opsienders der armē
metten eersten sullen maecken behoorlijk Con-
tract ende t'zelve (als vrome Meesters betaemt)
voor so veel hen aengaet: nacomē ende volboe-
ren / Op pene dat indien sulcke jonghe ofte jon-
gers

gers hen by anderen ontrocken wierde: ofte dat
de selve wech liepen / de Meesters totten selven
jongers geen recht en sullen mogen pretenderē/
insgelijc ordonnerē wy alle ambochts-jongers
also aengenomē zijnde / heure meesters by te blij-
ven dienen en voldoen / als vrome Leer-jongers
betaemt den tijt die sy lyden ten overstaen als-
vooren verbonden sullen wesen / Op pene van
strengelijc ghegeesselt en uyten lande van Hol-
landt en West-Flislandt ghebannen te worden.
Ende sullen geene schamele jongers indē voorsz.
Lande gewoont hebbende by yemanden aenge-
nomen ofte opgehouden moghen worden / ten sy
dat by schriftelijcke attestatie vande Magistra-
ten ofte hare gecommiteerde als opsienders der
armen vande plaetse daer sy ghewoont hebben/
blijcken sal / dat sy haren meester voldoen heb-
ben / ofte dat sy noyt meester aldaer gehadt heb-
ben / Ende indien yemandt eenen jonghen inde
voorsz Lande hem tot Ambocht begevē hebben-
de sonder attestatie als boven quame aen te ne-
men : ofte op te houden / Sal t'elcken verbeu-
ren twintich ponden van xl. grooten vlaems
tpondt / tot verballinge vande reyskosten vandē
geenen die den jonghen vervolcht sal hebben / en
eventwel gehouden zijn de voorsz jonghen zinen
meester te leveren en laten volgen / om den selven

te voldoe / Wande verbeurte vande voorsz twintich ponden: sal den meester vyz wesen indie den Ambochts-jonghen voorde Magistraet zijnder residentie ofte der selver gecommitteerde als opsienders / den armen vooz het aennemen partinentlijc gebzacht zijnde verclaert heeft van buyten dese Landen inghecomen te zijn / ofte noyt in de selve Landen meester ghehadt te hebben / En sal nietemin gehouden wesen den jonghen te laten volghen / om zijnen eersten Meester te voldoen. Ende ten eynde t'inhouden van desen allomme mach wordē geobserveert / ende niemant daer van ignozantie en pretendere. Lasten ende ordonneren wy dat desen allomme sal worden gepubliceert en bercundicht / daermen gewoonlijk is; publicatie te doene. Ontbieden voorts alle Officieren Justiciren ende Dienaren / dat sy luyden teghens den overtredders van dien procederen alsvooren / sonder eenige gunste / faueur ofte dissimulatie ter contrarie. Ghegheven in s' Graven-Haghe onder onsen zeghel hier op ghedruct / in placrate den tweeden Septembris / Anno xv^c. Seven-en-tneghentich. Onder stont / Ter ordonnancie vanden Staten / Ghe-
teyckent.

C. de Rechtere.